



STRANKA DEMOKRATSKE AKCIJE SANDŽAKA

# STATUT

Novi Pazar  
29. juli 2024. godine



## SADRŽAJ

Prvi dio

### OPŠTI DIO

1. Osnovne odredbe	3
2. Naziv i sjedište	4
3. Zastupanje Stranke	4
4. Simboli Stranke	4
5. Pečat i štambilj	4
6. Dan Stranke	5
7. Javnost rada	5
<b>I PROGRAMSKI CILJEVI I NAČELA</b>	<b>5</b>
1. Programski ciljevi	5
2. Osnovna načela organiziranja i djelovanja	6

Drugi dio

### ČLANSTVO I ODOVORNOST ČLANOVA

<b>II ČLANSTVO</b>	<b>7</b>
1. Uvjeti i način učlanjavanja	7
2. Prava članova Stranke	7
3. Obaveze članova Stranke	7
4. Članarina	8
5. Evidencija članstva	8
6. Nespojivost dvojnog članstva	9
7. Prestanak članstva	9
8. Ponovno učlanjenje	9
9. Mirovanje članstva	9
<b>III ODGOVORNOST ČLANOVA</b>	<b>9</b>
1. Zastupanje stavova	9
2. Djelovanje suprotno Statutu i Programu	9
3. Disciplinske mjere	10
4. Isključenje po hitnom postupku	10
5. Pravo na žalbu	11

Treći dio

### ORGANIZIRANJE I ORGANI STRANKE

<b>IV TERITORIJALNO ORGANIZIRANJE</b>	<b>11</b>
1. Formiranje i rad	11
2. Ogranci Stranke	11
3. Mjesni odbori	11
4. Organiziranje u inostranstvu	12
<b>V ORGANI OGRANKA STRANKE</b>	<b>12</b>
1. Izborna Skupština	12
2. Odbor ogranka	12
3. Predsjednik ogranka	13
4. Izvršni odbor ogranka	14



VI	ORGANI STRANKE (CENTRALNI ORGANI)	15
1.	Skupština	15
2.	Glavni odbor	16
3.	Predsjednik Stranke	18
4.	Predsjedništvo	19
5.	Izvršni odbor Stranke	21
6.	Nadzorni odbor	23
7.	Statutarna komisija	23
8.	Etički odbor	24
VII	POSEBNI OBLICI ORGANIZIRANJA	25
1.	Asocijacija mladih	25
2.	Organizacija žena	25
3.	Klubovi poslanika i odbornika	26
4.	Klub poslanika	26
5.	Klub odbornika	26
6.	Izborna komisija	27
7.	Izborni štab	27
8.	Politička akademija	28
VIII	STRUČNE SLUŽBE	29
1.	Sekretarijat Stranke	29
2.	Pravna služba	29
3.	Služba za ljudske resurse	29
4.	Služba za informisanje i odnose sa javnošću	30
IX	SARADNJA I DJELOVANJE SA POLITIČKIM I DRUGIM ORGANIZACIJAMA U ZEMLJI I INOSTRANSTVU	31
X	ODLUČIVANJE I IZBORI	31
XI	UČEŠĆE NA IZBORIMA	32
XII	FINANSIRANJE I IMOVINA STRANKE	32

Četvrti dio

#### **ODREDBE O RODNOJ RAVNOPRAVNOSTI**

XIII	OSTVARIVANJE RODNE RAVNOPRAVNOSTI	33
------	-----------------------------------	----

Peti dio

#### **ZAVRŠNE ODREDBE**

XIV	DONOŠENJE STATUTA I PROGRAMA	33
1.	Donošenje Statuta	33
2.	Izmjene Statuta	33
3.	Postupak usvajanja Programa	34
XVI	PRELAZNE I ZAVRŠNE ODREDBE	34
1.	Stupanje na snagu	34

Prvi dio  
**OPŠTI DIO**

**OSNOVNE ODREDBE**

**Član 1.**

Странка демократске акције Санџака – Stranka demokratske akcije Sandžaka (u daljem tekstu: Stranka) je politička stranka bošnjačke nacionalne zajednice u Republici Srbiji.

Stranka djeluje na prostoru Republike Srbije, a u skladu sa zakonskim propisima i u inostranstvu.

Djelovanje Stranke posebno je usmjereno na predstavljanje i zastupanje bošnjačke nacionalne manjine, zaštitu i unapređenje prava pripadnika bošnjačke nacionalne manjine u skladu sa Ustavom, zakonom i međunarodnim standardima, Programom i Statutom Stranke.

Stranka se zalaže za priznanje i poštovanje nacionalnog identiteta Bošnjaka, koji, kao autohton narod u Republici Srbiji, čine brojčano izraženiju manjinsku nacionalnu zajednicu.

**Član 2.**

Statut Странке демократске акције Санџака – Stranke demokratske akcije Sandžaka je osnovni opšti akt Stranke.

Statutom Stranke posebno se uređuju:

1. naziv i sjedište Stranke;
2. simboli vizuelnog identiteta;
3. izgled i sadržina pečata Stranke i organizacionih jedinica po teritorijalnom principu;
4. programski ciljevi;
5. uvjeti i način učlanjivanja i prestanka članstva;
6. prava, obaveze i odgovornosti članova;
7. organizacija po teritorijalnom principu i unutrašnja organizacija, organi, njihova ovlašćenja, sastav, način izbora i opoziva, trajanje mandata i način odlučivanja;
8. zastupanje Stranke;
9. postupak za izmjene i dopune Programa i Statuta i postupak donošenja i izmjena drugih opštih akata Stranke;
10. ostvarivanje javnosti rada;
11. način odlučivanja o udruživanju Stranke u šire političke saveze u zemlji i inostranstvu i spajanju Stranke;
12. način finansiranja Stranke;
13. način obavljanja unutrašnje kontrole finansijskog poslovanja;
14. lice odgovorno za finansijsko poslovanje, podnošenje izvještaja i vođenje knjiga Stranke i lice ovlašćeno da kontaktira sa nadležnim organom;
15. način donošenja odluke o prestanku rada;
16. način raspolaganja imovinom Stranke u slučaju prestanka rada, kao i druga pitanja od značaja za rad i djelovanje Stranke.



### Član 3.

Termini koji su u ovom Statutu izraženi u gramatičkom muškom rodu podrazumijevaju prirodni muški i ženski rod lica na koje se odnose.

### NAZIV I SJEDIŠTE

#### Član 4.

Naziv stranke je Странка демократске акције Санџака na srpskom jeziku i ćirilichnom pismu, odnosno Stranka demokratske akcije Sandžaka na bosanskom jeziku i latiničnom pismu, na kom je upisana u Registar političkih stranaka.

Skraćeni naziv Stranke je SDA Sandžaka.

Sjedište Stranke je u Novom Pazaru.

### ZASTUPANJE STRANKE

#### Član 5.

Stranka je pravno lice.

Stranku predstavlja i zastupa predsjednik Stranke.

Predsjednik Stranke zastupa Stranku bez ograničenja.

Predsjednik Stranke može ovlastiti druga lica da predstavljaju i zastupaju Stranku u skladu sa ovim Statutom.

### SIMBOLI STRANKE

#### Član 6.

Stranka ima simbole svog vizuelnog identiteta, i to simbol i zastavu.

Simbol Stranke je kompozicija i kombinacija stiliziranog ljiljana i početnih slova naziva Stranke.

Slovo «S» je zelene, «D» je plave, a slovo «A» je crvene boje.

Zastava se sastoji iz tri polja koja se prostiru horizontalno i simbola Stranke.

Na zastavi se nalaze dva zelena i jedno bijelo polje, jednake širine.

Na centralnom dijelu bijele površine nalazi se simbol Stranke.

Standardna dimenzija zastave je 150 cm x 100 cm.

Glavni odbor Stranke ima pravo vršiti promjenu simbola Stranke.

### PEČAT I ŠTAMBILJ

#### Član 7.

Stranka ima svoj pečat i štambilj.

Pečat Stranke je okruglog oblika, a po obodu tekst: Странка демократске акције Санџака ispisanim srpskim jezikom i ćirilichnim pismom kao i Stranka demokratske akcije Sandžaka ispisanim bosanskim jezikom i latiničnim pismom, sa utisnutim simbolom Stranke u sredini ispod koga stoji tekst *Централа Нову Пазар* ispisanim srpskim jezikom i ćirilichnim pismom, kao i *Centrala Novi Pazar* ispisanim bosanskim jezikom i latiničnim pismom, odnosno naziv organizacione jedinice na koju se odnosi.

Štambilj je pravougaonog oblika u kome je u prvom redu ispisanim tekst Странка демократске акције Санџака srpskim jezikom i ćirilichnim pismom, kao i tekst Stranka



demokratske akcije Sandžaka ispisan bosanskim jezikom i latiničnim pismom. U drugom redu štambilja stoje polja za upisivanje broja i datuma, dok je u trećem redu štambilja ispisan tekst Централна Нови Пазар srpskim jezikom i ćirilničnim pismom, kao i tekst Centrala Novi Pazar ispisan bosanskim jezikom i latiničnim pismom, odnosno naziv organizacione jedinice na koju se odnosi.

Pečat Centrale Stranke i nižih organizacionih jedinca koristi se za ovjeravanje svih akata koje u okviru svojih ovlašćenja donose organi Stranke i ogranaka, kao i za službeno opštenje sa drugim organima, pravnim i fizičkim licima, u skladu sa Statutom.

Glavni odbor Stranke može donijeti odluku o izradi pečata i štambilja za potrebe drugih organa Stranke i organizacija u okviru Stranke.

Odluku o izradi, upotrebi i čuvanju pečata i štambilja na svim nivoima stranačkog organiziranja donosi Glavni odbor Stranke.

## DAN STRANKE

### Član 8.

Dan Stranke je 29. juli.

Način obilježavanja Dana Stranke uređuje se posebnom odlukom Predsjedništva Stranke.

## JAVNOST RADA

### Član 9.

Rad Stranke je javan.

Javnost rada Stranke ostvaruje se putem interneta, objavljivanjem osnivačkog akta, ličnog imena zastupnika Stranke, Statuta i Programa, kao i drugih opštih akta Stranke.

Javnost rada i djelovanje također, se ostvaruje na javnim skupovima, tribinama, učestvovanjem na okruglim stolovima, objavljivanjem vijesti i obavještenja, putem zvanične internet prezentacije Stranke, kao i na druge načine uspostavljajući odnose i djelujući na javno mnjenje građana, birača, simpatizera i članova Stranke.

U cilju obavještanja članova i javnosti o preduzetim aktivnostima, kao i radi prezentacije svog programa, Stranka može izdavati svoja saopštenja, biltene i publikacije, organizovati konferencije za novinare i izrađivati potreban propagandni materijal.

## I PROGRAMSKI CILJEVI I NAČELA STRANKE

### PROGRAMSKI CILJEVI

#### Član 10.

Programski ciljevi Stranke su:

1. zaštita nacionalnih i političkih prava Bošnjaka, unapređenje njihovog ustavno pravnog statusa i reforma političkog sistema;
2. demokratizacija društva u svim sferama života;
3. maksimalna afirmacija i unapređenje ljudskih prava i sloboda;
4. ravnopravnost naroda, zaštita i unapređenje prava manjinskih zajednica i nacionalnih manjina, u skladu sa međunarodnim normama;



5. zastupljenost Bošnjaka u policiji, sudstvu, tužilaštvu i drugim državnim organima, ustanovama i službama u skladu sa procentualnim sastavom stanovništva u gradovima i opštinama u Sandžaku;
6. punopravno članstvo Srbije u Evropskoj uniji i druge evropske i evroatlantske institucije, organizacije i regionalna saradnja;
7. briga o porodici, očuvanje i unapređenje bošnjačkog identiteta i tradicionalnih vrijednosti u porodičnom i javnom životu, zaštita javnog morala;
8. pravo građana Sandžaka na brži ekonomski razvoj i regionalnu samoupravu u Republici Srbiji;
9. održivi razvoj, zaštita, očuvanje i unapređenje životne sredine i prekogranična saradnja.

#### **Član 11.**

Svoj program i ciljeve Stranka ostvaruje demokratskim oblikovanjem političke volje građana i učesćem na izborima, vršenjem vlasti ili djelovanjem u opoziciji.

#### **OSNOVNA NAČELA ORGANIZIRANJA I DJELOVANJA**

#### **Član 12.**

Osnovna načela organiziranja i djelovanja u Stranci su:

1. sloboda političke inicijative članova u skladu sa Statutom i Programom Stranke;
2. stalan i otvoren dijalog;
3. protiv upotrebe sile i nasilja za postizanje političkih ciljeva, i nametanja političkih rješenja;
4. vjerske razlike posmatrati kao jedinstvo duhovnog cilja i pravo svakog pojedinca da na svoj način postigne taj cilj;
5. uzajamno poštovanje i čuvanje dostojanstva ličnosti sagovornika;
6. poštovanje Kodeksa političkog ponašanja i djelovanja izabranih, imenovanih i postavljenih predstavnika Stranke na javnim funkcijama, kao i članova SDA Sandžaka;
7. odgovornost prema članovima, simpatizerima i biračima, kao i poštovanju i sprovođenju demokratski usvojenih odluka;
8. član Stranke ne može obavljati više od dva uzastopna mandata, po najviše četiri (4) godine istu javnu ili izbornu funkciju na lokalnom ili republičkom nivou, s tim da se obavljanje funkcije kraće od jedne godine ne smatra mandatom;
9. član Stranke može obavljati istovremeno samo jednu stranačku i jednu javnu funkciju;
10. svaki član Stranke može biti kandidat za izbor narodnih poslanika i odbornika koji ispunjava uvjete propisane Pravilnikom kojim se definiraju prava, kriteriji i obaveze kandidata, a koji donosi Izvršni odbor Stranke;
11. organi Stranke odlučuju o listama kandidata ili kandidatima pojedinačno za izbor u organe Stranke i organe javne vlasti, na osnovu pribavljenog mišljenja službe za ljudske resurse i saglasnosti Izvršnog odbora Stranke;
12. ocjenjivanje rada predstavnika Stranke na javnim i izbornim funkcijama obavljat će se u skladu sa Pravilnikom o postupku i načinu podnošenja izvještaja, koji donosi Izvršni odbor Stranke.



Drugi dio  
**ČLANSTVO I ODGOVORNOST ČLANOVA**

II **ČLANSTVO**

UVJETI I NAČIN UČLANJAVANJA

**Član 13.**

Član Stranke može postati svaki punoljetan i poslovno sposoban građanin koji dobrovoljno prihvati Statut i Program Stranke i potpiše pristupnicu.

Članstvo u Stranci stiže se kada Izvršni odbor ogranka Stranke u roku od 15 dana od dana prijema svojeručno potpisane pristupnice, predate neposredno ili preko nadležnog mjesnog odbora, da saglasnost na učlanjenje.

Ukoliko Izvršni odbor ogranka ne odbije pristupnicu, smatra se da je pristupnica verifikovana i članstvo u Stranci punovažno.

Ukoliko Izvršni odbor ogranka odbije pristupnicu, zainteresovano lice ima pravo da u roku od 8 dana uputi žalbu Izvršnom odboru Stranke.

U izuzetnim slučajevima, Izvršni odbor Stranke ima pravo da neposredno odobri pristupanje Stranci.

PRAVA ČLANOVA STRANKE

**Član 14.**

Član Stranke ima pravo da:

1. učestvuje u svim aktivnostima Stranke, u kreiranju i sprovođenju njene politike;
2. slobodno i bez posljedica izražava mišljenje, predlaže stavove, zaključke i inicijative organima Stranke;
3. bira i bude biran ili kooptiran po isteku 6 mjeseci od prijema u sve organe Stranke;
4. bude kandidovan na stranačkim listama za izbor organa za organe vlasti protekom roka od godinu dana od dana prijema u Stranku;
5. bude informisan o aktivnostima i djelovanju Stranke;
6. izjavi žalbu ili predstavku organima Stranke.

OBAVEZE ČLANOVA STRANKE

**Član 15.**

Član Stranke dužan je da se u skladu sa Ustavom i zakonom bori za ostvarivanje Programa i ciljeva Stranke.

Član Stranke dužan je da:

1. poštuje i pridržava se Statuta i ostalih normativnih akata Stranke;
2. sprovodi program Stranke i odluke organa Stranke;
3. zalaže se za uspjeh Stranke na izborima;
4. čuva ugled Stranke i brani interese Stranke;
5. poštuje Kodeks političkog ponašanja i djelovanja izabranih, imenovanih i postavljenih predstavnika Stranke na javnim funkcijama;





6. zalaže se na svim nivoima Stranke za puno poštovanje demokratskih načela, pravila i statutarnih normi;
7. učestvuje u aktivnostima Stranke;
8. čuva i štiti imovinu Stranke;
9. plaća članarinu;
10. ispunjava i ostale obaveze u skladu sa Statutom ili opštim aktima Stranke.

## ČLANARINA

### Član 16.

Član Stranke ima obavezu da plaća članarinu.

Visinu godišnje članarine određuje Predsjedništvo na prijedlog Izvršnog odbora Stranke, a najkasnije do 1. oktobra za sljedeću godinu, u skladu sa zakonom.

Za izbore koji se održavaju do 31. marta važi uplaćena članarina za prethodnu godinu.

Izvršni odbor ogranka može, za svaku tekuću godinu, osloboditi plaćanja članarine člana Stranke.

Odluka o oslobađanju od plaćanja članarine donosi se na zahtjev člana ili mjesnog odbora kojem član pripada.

Član Stranke koji nije platio članarinu duže od šest mjeseci ne može da bude biran u organe Stranke, da predlaže ili bude biran na dužnosti – funkcije u državnim organima, organima autonomne pokrajine, organima lokalne samouprave i drugim institucijama na prijedlog Stranke.

Član može pomagati Stranku iznad iznosa utvrđene članarine u obliku priloga, u skladu sa zakonom i drugim propisima kojima se uređuje finansiranje političkih stranaka.

Davanjem priloga stranci ne pruža članu dodatna prava ni privilegije u ostvarivanju prava koja proizilaze iz članstva.

Pravilnik o članstvu i odgovornosti članova donosi Predsjedništvo Stranke.

## EVIDENCIJA ČLANSTVA

### Član 17.

Stranka vodi matičnu i centralnu elektronsku evidenciju članova Stranke.

Član Stranke potpisuje pristupnicu i nakon uvođenja u evidenciju članstva dobija člansku kartu Stranke. Obrazac pristupnice i izgled članske karte utvrđuje Izvršni odbor Stranke.

Evidencija članova Stranke sadrži: lično ime i ime jednog od roditelja, prebivalište, adresu, jedinstveni matični broj člana, stepen stručne spreme, članstvo u organima Stranke i funkcije u stranci, javne funkcije u ime Stranke sa vremenom trajanja obavljanja funkcija, članarine, datum učlanjivanja u Stranku i datum prestanka članstva u Stranci, kao i razloge zbog kojih je došlo do prestanka.

Evidenciju iz prethodnog stava ovog člana vodi Izvršni odbor ogranka u pisanom obliku kao jedinstvenu elektronsku bazu podataka.

Izvode iz evidencije članova i članarine vodi Izvršni odbor ogranka i na svaka tri mjeseca vrši ažuriranje evidencije članova i članarine.

U slučaju promjene matične organizacije, član Stranke dužan je da novoj organizaciji radi povezivanja u istoj dostavi potvrdu – poveznicu koju izdaje prethodna organizacija i briše iz evidencije.

Matičnu elektronsku evidenciju članova Stranke vodi Izvršni odbor ogranka.

Centralnu elektronsku evidenciju članova Stranke vodi Sekretarijat Stranke.



## NESPOJIVOST DVOJNOG ČLANSTVA

### Član 18.

Član Stranke ne može biti član neke druge političke organizacije.

Članovi Stranke ne mogu učestvovati u političkim skupovima, kandidovanju, davanju potpisa i drugim aktivnostima neke druge političke stranke ili organizacije, bez saglasnosti Izvršnog odbora ogranka, odnosno Izvršnog odbora Stranke.

U slučaju da član Stranke odluči da istupi iz Stranke ili mu prestane članstvo u Stranci, ne može djelovati pod istim imenom i simbolima, niti pod imenom i simbolima koji asociraju na Stranku.

## PRESTANAK ČLANSTVA

### Član 19.

Članstvo u Stranci prestaje istupanjem, isključenjem, učlanjenjem u drugu političku stranku ili kandidovanjem na listi druge političke stranke, koalicije ili grupe građana bez saglasnosti Stranke, kao i smrću člana.

## PONOVNO UČLANJENJE

### Član 20.

Način i postupak ponovnog učlanjenja u Stranku definiran je odredbama Pravilnika o disciplinskoj odgovornosti, koji donosi Glavni odbor Stranke.

## MIROVANJE ČLANSTVA

### Član 21.

Članu Stranke organ čiji je član može posebnom odlukom iz naročito opravdanih razloga i kada to zakon nalaže odobriti mirovanje statusa.

## III ODGOVORNOST ČLANOVA

## ZASTUPANJE STAVOVA

### Član 22.

Članovi Stranke čiji prijedlog većina ne prihvati ne mogu u javnosti predstavljati svoje mišljenje kao stav Stranke i ne mogu javno propagirati svoje manjinske stavove.

Članovi Stranke ne mogu javno polemisati o odlukama, stavovima i zaključcima organa čiji su članovi i viših organa Stranke.

Članovi Stranke koji narušavaju donijete odluke podliježu disciplinskoj odgovornosti u skladu sa Pravilnikom o članstvu i odgovornosti članova u Stranci.

## DJELOVANJE SUPROTNO STATUTU I PROGRAMU

### Član 23.

Jedinstvo Stranke obezbjeđuje se poštovanjem Statuta, Programa i načela organiziranja i djelovanja.

Sprovođenje odluka organa Stranke obavezno je za sve članove i organe Stranke.



Član Stranke koji djeluje suprotno Programu i Statutu Stranke podliježe disciplinskoj odgovornosti.

U prvom stepenu odlučivanja o disciplinskoj odgovornosti nadležan je Izvršni odbor ogranka, osim za članove centralnih organa Stranke.

U drugom stepenu odlučivanja po žalbama na odluke Izvršnog odbora ogranka nadležna je Statutarna komisija čije su odluke konačne.

#### **Član 24.**

U prvom stepenu odlučivanja za povrede disciplinske odgovornosti koje učine članovi centralnih organa Stranke (Glavni odbor, Predsjedništvo, Izvršni odbor Stranke, Nadzorni odbor, Etički odbor i Statutarna komisija) nadležan je Izvršni odbor Stranke.

U drugom stepenu odlučivanja po žalbama na odluke Izvršnog odbora Stranke nadležna je Statutarna komisija čije su odluke konačne.

### **DISCIPLINSKE MJERE**

#### **Član 25.**

Za povredu disciplinske odgovornosti mogu biti izrečene sljedeće disciplinske mjere:

1. ukor,
2. opomena,
3. suspenzija vršenja funkcija u Stranci,
4. isključenje iz Stranke.

U zavisnosti od težine povrede i okolnosti pod kojima je povreda učinjena, vrijeme trajanja disciplinskih mjera od tačke 1 do tačke 3 iz prethodnog stave ne može biti kraće od tri mjeseca niti duže od 36 mjeseci.

U procesu donošenja odluka o disciplinskoj odgovornosti nadležni organi Stranke se pridržavaju odredaba Pravilnika o članstvu i odgovornosti članova koji donosi Predsjedništvo Stranke.

### **ISKLUČENJE PO HITNOM POSTUPKU**

#### **Član 26.**

Ukoliko je slučaj hitan, a član protiv koga je pokrenut disciplinski postupak odbija da učestvuje u proceduri predviđenoj normativnim aktima Stranke, Statutarna komisija Stranke donosi odluku o isključenju.

Disciplinsku mjeru brisanja iz evidencije člana može izreći Izvršni odbor ogranka, bez pokretanja disciplinskog postupka, konstatovanjem, članu koji se učlanio u drugu Stranku ili se kandidovao na listi druge političke stranke, odnosno na nezavisnoj listi bez saglasnosti Stranke. Odluka o brisanju iz evidencije je konačna.

## PRAVO NA ŽALBU

### Član 27.

Član Stranke kojem je izrečena jedna od disciplinskih mjera iz člana 25. Statuta Stranke, ima pravo da protiv odluke kojom je utvrđena takva povreda i izrečena disciplinska mjera podnese žalbu u roku od 8 dana od dana prijema odluke neposredno višem nadležnom organu iz člana 23. i 24. Statuta Stranke.

Odluka na žalbu u drugom stepenu odlučivanja je konačna.

### Treći dio

## ORGANIZIRANJE I ORGANI STRANKE

### IV TERITORIJALNO ORGANIZIRANJE

#### FORMIRANJE I RAD

### Član 28.

Stranka je organizirana na temeljima hijerarhije i subordinacije i djeluje teritorijalno.

Organizacionu strukturu po vertikali čine centralni organi Stranke, a po horizontali ogranaci Stranke, kao niže organizacione cjeline.

#### OGRANCI STRANKE

### Član 29.

Ogranaci kao oblici okupljanja, organiziranja i djelovanja članstva formiraju se na teritorijalnom principu (opština, grad, pokrajina).

Ogranaci Stranke svojim političkim djelovanjem doprinose ostvarivanju ciljeva koji su sadržani u Programu Stranke i sprovode odluke, stavove i zaključke organa Stranke.

Rad ogranaka i njihov međusobni odnos uređuje se Poslovníkom o radu, koji donosi Izvršni odbor Stranke.

Odluku o osnivanju i prestanku rada ogranaka donosi Izvršni odbor Stranke.

Ogranak Stranke koji u svom sastavu nema teritorijalno organiziranih opština predstavlja osnovni oblik organiziranja i djelovanja Stranke.

Ogranak Stranke utvrđuje model teritorijalnog organiziranja.

Ogranaci Stranke: vode političku aktivnost, učestvuju na izborima, usvajaju, organiziraju i koordiniraju sprovođenje programskih zadataka, odluka i stavova organa Stranke na teritoriji svog djelovanja.

#### MJESNI ODBORI

### Član 30.

Mjesni odbori, kao oblik organiziranja članstva, formiraju se u mjesnoj zajednici, dijelu mjesne zajednice, dijelu grada, seoskog i drugog naselja.

Mjesni odbori sprovode politiku Stranke na svojoj teritoriji.

Mjesni odbor čine svi članovi mjesnog odbora.

Mjesni odbori biraju i razrješavaju predsjednika, potpredsjednika i sekretara mjesnog odbora.

### **Član 31.**

Mjesni odbori mogu formirati klubove članova Stranke.  
Klubovi članova Stranke se formiraju radi okupljanja i druženja članova Stranke, razmjene mišljenja o aktivnostima Stranke, praćenja TV, štampe i dnevne politike.  
Klub Stranke organizira savjetovanja, predavanja i kurseve.  
Klub Stranke ne može raditi po principu dobiti.  
Saglasnost na formiranje klubova članova Stranke daje Izvršni odbor ogranaka.

## **ORGANIZIRANJE U INOSTRANSTVU**

### **Član 32.**

Poštujući zakonodavstvo drugih zemalja, Stranka može formirati svoje ogranke u inostranstvu, radi okupljanja članova i simpatizera među građanima koji tamo žive i rade.  
Ovi ogranaci su direktno vezani za Izvršni odbor Stranke.

## **V ORGANI OGRANKA STRANKE**

### **Član 33.**

Organi ogranaka Stranke su: Izborna skupština, Odbor, predsjednik i Izvršni odbor.  
Izborna skupština ogranaka Stranke bira i razrješava odbor i predsjednika ogranaka.  
Mandat predsjednika ogranaka počinje dobijanjem saglasnosti od predsjednika Stranke u skladu sa odredbama ovog Statuta.

## **IZBORNA SKUPŠTINA**

### **Član 34.**

Izborna skupština ogranaka Stranke može biti redovna i vanredna.  
Redovna izborna skupština se, po pravilu, održava svake četvrte godine, a vanredna po potrebi.  
Izbornu skupštinu čine članovi organa ogranaka Stranke i zastupnici svih mjesnih odbora ogranaka Stranke srazmjerno broju članova.  
Izbornu skupštinu saziva Odbor samostalno, na prijedlog Izvršnog odbora ogranaka, uz prethodno pribavljenu saglasnost Izvršnog odbora Stranke.  
Zastupnici za Izbornu skupštinu ogranaka Stranke biraju se po kriterijima i na način određen Pravilnikom o izborima, koji donosi Glavni odbor Stranke.  
Izborna skupština ogranaka Stranke bira i razrješava organe ogranaka Stranke, razmatra i usvaja izvještaj o radu organa ogranaka Stranke, razmatra i ostala pitanja i utvrđuje dokumente od važnosti za Stranku na teritoriji opštine, grada i pokrajine.

## **ODBOR OGRANKA**

### **Član 35.**

Odbori ogranaka Stranke su najviši organi između dvije izborne skupštine ogranaka.

Odbor ogranaka:



1. promoviše politiku i program Stranke, utvrđuje političke stavove, sprovodi odluke viših organa Stranke, pokreće inicijative, daje prijedloge višim organima Stranke i organizira aktivnosti i djelovanje na svojoj teritoriji u skladu sa Statutom i odlukama viših organa Stranke;
2. donosi program ostvarivanja i zaštite prava i unapređenja položaja Bošnjaka na svom području i plan realiziranja tog programa;
3. bira i razrješava zamjenika predsjednika ogranka, najviše pet potpredsjednika Odbora i članove Izvršnog odbora, na prijedlog predsjednika odbora;
4. vrši proširenje i popunu Odbora do jedne trećine članova, od broja koji je izabrala Izborna skupština ogranka uz saglasnost Izvršnog odbora Stranke;
5. može pokrenuti postupak za sazivanje Izborne skupštine ogranka kao i postupak za izglasavanje nepovjerenja predsjedniku Odbora i birati predsjednika Odbora između dvije Izborne skupštine, ako se za to ukaže potreba, uz saglasnost Izvršnog odbora Stranke;
6. priprema liste kandidata za izbor, imenovanje i postavljenje na javnim i stranačkim funkcijama i dostavljaju Službi za ljudske resurse na dalju nadležnost;
7. dostavlja obrazloženi zahtjev Izvršnom odboru Stranke za stupanje i istupanje iz koalicija na lokalnom nivou;
8. sprovodi sve izborne aktivnosti na svom području i odgovara za njihovo izvršenje;
9. prati i usmjerava rad mjesnih odbora i donosi poslovnike o njihovom radu;
10. najmanje jednom u šest mjeseci razmatra izvještaj o radu mjesnih odbora;
11. donosi pravilnike, poslovnike, odluke, rješenja, zaključke, preporuke i druga akta u skladu sa ovim Statutom i odlukama organa Stranke;
12. može pokrenuti postupak pred nadležnim sudovima i drugim državnim organima za zaštitu interesa Stranke, članova organa Stranke i zaštitu prava i interesa pripadnika bošnjačke nacionalne zajednice, na prostoru svoje nadležnosti, uz prethodnu saglasnost Izvršnog odbora Stranke;
13. podnosi izvještaj o svom radu najmanje jednom u šest mjeseci Izvršnom odboru Stranke;
14. obavlja i druge poslove u skladu sa Statutom, Poslovnikom o radu i odlukama organa Stranke.

### **Član 36.**

Broj članova, sastav i način izbora Odbora, u skladu sa Pravilnikom o izborima u Stranci, utvrđuje Izborna skupština ogranka Stranke, na prijedlog Izvršnog odbora Stranke.

Mandat članova Odbora traje, po pravilu, četiri (4) godine.

Mandat članu Odbora prestaje prije isteka ukoliko neopravdano izostane sa tri sjednice, podnošenjem ostavke, kao i pod drugim uvjetima propisanim ovim Statutom.

U skladu sa potrebama ogranka, predsjednik ogranka može imenovati jednu trećinu članova od ukupnog broja članova Odbora koje bira izborna Skupština ogranka.

Poslovnik o radu Odbora ogranka donosi Izvršni odbor Stranke.

### **PREDSJEDNIK OGRANKA**

#### **Član 37.**

Predsjednik ogranka rukovodi i organizira rad ogranka na svom području.



Predsjednik ogranka:

1. sprovodi odluke viših organa i sprovodi aktivnosti na realizaciji programskih ciljeva i zadataka Stranke;
2. koordinira rad mjesnih odbora i daje saglasnost na izbor mjesnih zajednica, kao i predsjednika mjesnih odbora;
3. koordinira aktivnosti ogranka Asocijacije mladih i ogranka Organizacije žena, Odborničkog kluba, imenovanih i postavljenih predstavnika Stranke na nivou ogranka;
4. saziva i predsjedava sjednicima Odbora i Izvršnog odbora ogranka;
5. predlaže kandidate za zamjenika predsjednika ogranka, potpredsjednike ogranka i članove Izvršnog odbora ogranka, i dostavlja Izvršnom odboru Stranke na saglasnost na njihov izbor ili imenovanje;
6. ne može istovremeno obavljati funkciju gradonačelnika odnosno predsjednika opštine;
7. izvještaj o svom radu dostavlja Izvršnom odboru Stranke;
8. obavlja i druge poslove u skladu sa Statutom, Poslovníkom o radu i odlukama organa Stranke.

Predsjednik ogranka je istovremeno predsjednik Odbora i Izvršnog odbora ogranka. Mandat predsjednika ogranka traje četiri godine.

Izbor i razrješenje predsjednika ogranka uređuje se Poslovníkom Izborne skupštine ogranka, Pravilnikom o izborima u Stranci.

U skladu sa potrebama, predsjednik ogranka može imenovati jednu trećinu članova od ukupnog broja članova Odbora koje bira Skupština.

#### **Član 38.**

Predsjednik ogranka ima svog zamjenika.

Zamjenik predsjednika ogranka zamjenjuje predsjednika u slučaju njegove spriječenosti ili odsutnosti i obavlja druge poslove koje mu povjeri predsjednik ogranka.

Zamjenika predsjednika ogranka bira i razrješava iz svog sastava Odbor ogranka na prijedlog predsjednika ogranka.

Zamjenik predsjednika ogranka za svoj rad odgovara predsjedniku ogranka i Odboru ogranka.

Ogranak može imati najviše pet potpredsjednika, koji se biraju i razrješavaju na isti način kao i zamjenik predsjednika ogranka.

Zamjenik predsjednika i potpredsjednici su po funkciji članovi Izvršnog odbora ogranka.

#### **IZVRŠNI ODBOR OGRANKA**

#### **Član 39.**

Izvršni odbor ogranka je izvršni organ ogranka.

Izvršni odbor ogranka:

1. priprema sjednice Odbora i sprovodi njegove odluke;
2. organizira tekuću političku aktivnost;



3. prati, razmatra i ocjenjuje aktivnosti državne uprave i lokalne samouprave, zauzima stavove, preduzima mjere i o tome obavještava javnost;
4. utvrđuje broj mjesnih odbora i donosi odluku o formiranju i raspuštanju mjesnih odbora;
5. potvrđuje izbor predsjednika mjesnog odbora;
6. daje saglasnost na imenovanje izbornih štabova u mjesnim odborima i mjesnim zajednicima;
7. sprovodi tekuću aktivnost motiviranja članova i simpatizera Stranke da se kandiduju za javne funkcije, za izbor narodnih poslanika u Skupštini Republike Srbije i odbornika u skupštini jedinice lokalne samouprave, u skladu sa pravilnikom kojim se definišu prava, kriteriji i obaveze kandidata i dostavlja ažurirane liste kandidata svaka tri mjeseca Službi za ljudske resurse i Izvršnom odboru Stranke;
8. redovno informiše članove o radu Stranke;
9. vodi evidenciju članstva i članarine i podstiče omasovljenje Stranke;
10. dostavlja ažurirane izvode iz evidencije i članarine Sekretarijatu Stranke i Službi za ljudske resurse svakih šest mjeseci;
11. organizira prikupljanje članarine i donacija, donosi finansijske planove i brine se o njihovoj realizaciji;
12. predlaže kadrovska rješenja Izvršnom odboru Stranke;
13. donosi odluke o disciplinskoj odgovornosti i izriče disciplinske mjere u prvom stepenu odlučivanja, osim za članove centralnih organa Stranke;
14. izvještaj o svom radu dostavlja Izvršnom odboru Stranke;
15. obavlja i druge poslove u skladu sa Statutom, Poslovnikom o radu i odlukama organa Stranke.

Poslovnik o radu Izvršnog odbora ogranka donosi Izvršni odbor Stranke.

#### **Član 40.**

Broj članova i način izbora Izvršnog Odbora ogranka utvrđuje Odbor kojem i odgovaraju za svoj rad.

Tehnički sekretar ogranka priprema sjednice Odbora i Izvršnog odbora ogranka.

### **VI ORGANI STRANKE (CENTRALNI ORGANI)**

#### **Član 41.**

Centralni organi Stranke su: Skupština, Glavni odbor, Predsjednik, Predsjedništvo, Izvršni odbor, Nadzorni odbor, Etički odbor i Statutarna komisija.

### **SKUPŠTINA**

#### **Član 42.**

Skupština je najviši organ Stranke.

Skupština može biti redovna, vanredna, programska i svečana.

Zastupnike Skupštine čine članovi organa Stranke kao i zastupnici izabrani u ograncima Stranke u broju i na način utvrđen odlukom Glavnog odbora Stranke.





### Član 43.

Odluku o sazivanju redovne Skupštine donosi:

1. Predsjednik Stranke,
2. Glavni odbor Stranke na prijedlog dvije trećine svojih članova ili više od jedne trećine ogranaka.

Sazivanje vanredne, svečane i programske Skupštine obavlja se po istom postupku kao sazivanje redovne Skupštine.

### Član 44.

Skupština Stranke:

1. usvaja Program i Statut Stranke i njegove izmjene i dopune;
2. donosi odluke, rezolucije, deklaracije, rješenja, zaključke, strategije, planove, programe i ostala akta iz svoje nadležnosti;
3. bira i razrješava predsjednika Stranke;
4. bira Glavni odbor Stranke;
5. dodjeljuje priznanja, plakete, povelje i nagrade;
6. odlučuje o prestanku rada Stranke;
7. obavlja i druge poslove u skladu sa Statutom i Poslovníkom o radu.
8. usvaja izvještaje o radu Glavnog odbora i predsjednika Stranke između dva zasjedanja Skupštine.

Skupština Stranke donosi poslovnik o svom radu.

## GLAVNI ODBOR

### Član 45.

Glavni odbor je najviši organ Stranke između dvije Skupštine.

Broj članova Glavnog odbora i način njihovog izbora uređuje se Poslovníkom Skupštine i Pravilnikom o izborima u Stranci.

U postupku utvrđivanja kandidata za izbor u Glavni odbor ogranci Stranke moraju biti srazmjerno zastupljeni.

Radi održavanja kontinuiteta Stranke, predsjednik Stranke imenuje jednu trećinu članova od ukupnog broja članova Glavnog odbora koje bira Skupština.

Predsjednik Stranke je član Glavnog odbora po funkciji.

Članovi Glavnog odbora ne mogu biti istovremeno članovi organa u ograncima Stranke. Izborom u Glavni odbor, izabranom članu prestaje članstvo u organima ogranka Stranke.

Mandat članova Glavnog odbora traje četiri (4) godine.

Mandat člana Glavnog odbora prestaje prije isteka roka na koji je izabran ukoliko neopravdano izostane sa tri sjednice, podnošenjem ostavke, kao i pod drugim uvjetima propisanim ovim Statutom.

Ako član Glavnog odbora iz bilo kojih razloga prestane vršiti svoju funkciju, Izborna komisija će dodijeliti mandat sljedećem kandidatu sa liste ogranka kojem je pripadao, prema broju osvojenih glasova na Skupštini Stranke, što se konstatuje na sjednici Glavnog odbora.



## Član 46.

Glavni odbor:

1. sprovodi odluke Skupštine;
2. definira politiku Stranke između dvije Skupštine u skladu sa odlukama Skupštine;
3. priprema i predlaže Skupštini Program i Statut Stranke, sve akte koje usvaja Skupština, njihove izmjene i dopune i Poslovnik o radu Skupštine;
4. usklađuje Statut Stranke sa zakonskim propisima između dvije Skupštine, u slučaju kada to zakonski propisi nalažu;
5. donosi odluku o raspisivanju i održavanju izbora na svim nivoima u Stranci, u skladu sa Statutom;
6. donosi Kodeks političkog ponašanja i djelovanja izabranih, imenovanih i postavljenih predstavnika Stranke na javnim funkcijama;
7. na prijedlog Predsjednika:
  - vrši popunu članova Glavnog odbora do jedne trećine Stranke;
  - bira i razrješava zamjenika predsjednika Stranke, predsjednika Glavnog odbora Stranke, predsjednika Izvršnog odbora Stranke, izabrane članove Predsjedništva Stranke, predsjednika i članove Nadzornog odbora, predsjednika i članove Etičkog odbora i predsjednika i članove Statutarne komisije;
8. na prijedlog Predsjedništva:
  - obrazuje povremena i stalna radna tijela, sa određenim zadacima, imenuje i razrješava njihove članove,
  - potvrđuje izbornu listu kandidata za narodne poslanike, odlučuje o stupanju i istupanju iz republičkih organa izvršne vlasti,
  - odlučuje o ulasku Stranke u koaliciju sa drugim političkim partijama i organizacijama, utvrđuje oblike saradnje Stranke sa drugim političkim strankama i organizacijama, donosi odluku o učlanjivanju u međunarodne organizacije i udruživanju Stranke u šire političke saveze u zemlji i inostranstvu,
9. usvaja izborni program Stranke, na prijedlog Izbornog štaba Stranke;
10. donosi pravilnike, poslovnike, odluke, rješenja, zaključke, preporuke i druga akta u skladu sa ovim Statutom i odlukama organa Stranke; razmatra i usvaja izvještaj o radu zamjenika predsjednika, predsjednika Glavnog odbora i Izvršnog odbora Stranke;
11. ocjenjuje rezultate izbora;
12. podnosi Skupštini izvještaj o svom radu između dvije Skupštine;
13. obavlja i druge poslove u skladu sa Statutom, Poslovnikom o radu i odlukama organa Stranke.

Glavni odbor može da odlučuje i o pitanjima iz nadležnosti Skupštine uz obavezu da donijete odluke podnese na potvrđivanje Skupštini.

Glavni odbor Stranke donosi poslovnik o svom radu.

## Član 47.

Stranka ima predsjednika i zamjenika predsjednika Glavnog odbora.



Predsjednik i zamjenik predsjednika Glavnog odbora staraju se o provođenju odluka Glavnog odbora.

Predsjednik Glavnog odbora Stranke priprema, saziva i rukovodi sjednicama Glavnog odbora, prati, organizira i koordinira rad Glavnog odbora.

Predsjednika Glavnog odbora bira Glavni odbor iz svog sastava na prijedlog predsjednika Stranke.

Mandat predsjednika Glavnog odbora je četiri (4) godine.

Predsjednik Glavnog odbora za svoj rad odgovara predsjedniku i Glavnom odboru Stranke.

Zamjenika predsjednika Glavnog odbora bira Glavni odbor iz svog sastava na prijedlog predsjednika Glavnog odbora.

Zamjenik predsjednika Glavnog odbora zamjenjuje predsjednika Glavnog odbora u slučaju njegove spriječenosti ili odsutnosti i obavlja druge poslove koje mu povjeri predsjednik Glavnog odbora

## PREDSJEDNIK STRANKE

### Član 48.

Predsjednik Stranke predstavlja i zastupa Stranku i rukovodi njenim radom.

Mandat predsjednika traje četiri (4) godine.

Izbor i razrješenje predsjednika Stranke uređuju se Poslovníkom Skupštine i Pravilnikom o izborima u Stranci.

### Član 49.

Predsjednik Stranke:

1. predstavlja i zastupa Stranku;
2. saziva i predsjedava sjednicama Predsjedništva;
3. stara se o:
  - ostvarivanju programskih zadataka i ciljeva Stranke,
  - izvršavanju odluka Skupštine i
  - sprovodi politiku Stranke u okviru programa;
4. utvrđuje i iznosi političke stavove Stranke;
5. predlaže Glavnom odboru kandidate koje bira Glavni odbor – zamjenika predsjednika, predsjednika Glavnog odbora, predsjednika Izvršnog odbora, članove Predsjedništva Stranke, predsjednika i članove Nadzornog odbora, predsjednika i članove Etičkog odbora i predsjednika i članove Statutarne komisije;
6. predlaže Predsjedništvu Stranke kandidate koje bira Predsjedništvo – predsjednika, zamjenika predsjednika, članove i zamjenike članova Izborne komisije Stranke, šefa i članove Izbornog štaba Stranke, šefa i članove Službe za ljudske resurse, šefa i članove Pravne službe, portparola i članove Službe za informisanje i odnose sa javnošću i menadžera Političke akademije;
7. predlaže Predsjedništvu Stranke lice odgovorno za finansijsko poslovanje, podnošenje izvještaja, poštovanje obaveza, zabrana i ograničenja propisanih zakonom, za vođenje knjiga i kontakt sa Agencijom za sprečavanje korupcije;
8. predlaže Predsjedništvu Stranke programe, teme seminara ili tribina Političke akademije;



9. može sazvati sjednicu bilo kojeg organa Stranke i predsjedava tom sjednicom;
10. koordinira rad organa Stranke i daje saglasnost na izbor predsjednika ogranaka;
11. potpisuje dokumenta Stranke ili ovlašćuje lice koje će u pojedinačnim slučajevima činiti to umjesto njega;
12. daje punomoćje za zastupanje Stranke pred sudom ili drugim organom;
13. daje saglasnost za otvaranje tekućih računa Stranke.
14. podnosi izvještaj o radu Skupštini Stranke;
15. obavlja i druge poslove u skladu sa Satutom, Poslovníkom o radu, kao i poslove koje mu u nadležnost stave Skupština, Glavni odbor i Predsjedništvo.

#### **Član 50.**

U slučaju izuzetnih okolnosti (kada je onemogućen rad Skupštine, Glavnog odbora i drugih organa Stranke), predsjednik Stranke proglašava vanredno stanje u Stranci i preduzima odgovarajuće mjere u cilju zaštite Stranke i programskih opredjeljenja. Nakon prestanka vanrednih okolnosti, predsjednik saziva organe Stranke i podnosi izvještaj o preduzetim mjerama.

#### **Član 51.**

Predsjednik Stranke ima pravo da obustavi od primjene svaki akt, donijet od strane organa Stranke (osim Skupštine Stranke) na svim nivoima stranačkog organiziranja, ukoliko smatra da nije u skladu sa Programom i Statutom i čijom primjenom će se nanijeti šteta ugledu i interesima Stranke.

#### **Član 52.**

Predsjednik Stranke ima svog zamjenika.

Zamjenik predsjednika zamjenjuje predsjednika u slučaju njegove spriječenosti ili odsutnosti i obavlja druge poslove koje mu povjeri predsjednik.

Zamjenika predsjednika bira Glavni odbor iz svog sastava na prijedlog predsjednika Stranke.

Mandat zamjenika predsjednika Stranke je četiri (4) godine.

Razrješenje ili opoziv zamjenika predsjednika vrši se na isti način kao i njegov izbor.

Zamjenik predsjednika za svoj rad odgovara predsjedniku i Glavnom odboru Stranke.

### **PREDSJEDNIŠTVO**

#### **Član 53.**

Predsjedništvo je političko-operativni organ Stranke.

Članovi Predsjedništva mogu biti članovi po funkciji, izabrani i imenovani članovi.

Članovi po funkciji su:

- predsjednik Stranke,
- zamjenik predsjednika,
- predsjednik Glavnog odbora i
- predsjednik Izvršnog odbora Stranke.



Izabrani članovi Predsjedništva su članovi koje bira Glavni odbor Stranke na prijedlog predsjednika Stranke.

Imenovani članovi Predsjedništva su članovi koje imenuje predsjednik Stranke.

Predsjedništvo redovno zasijeda, analizira i zauzima opšte političke stavove između dvije sjednice Glavnog odbora.

Na poziv predsjednika, sjednici Predsjedništva, mogu prisustvovati lica koja nisu članovi Predsjedništva, bez prava odlučivanja.

#### Član 54.

Predsjedništvo:

1. utvrđuje i vodi politiku Stranke između dva zasijedanja Glavnog odbora;
2. planira političke skupove i političke aktivnosti Stranke;
3. inicira postupak za izmjene i dopune ili donošenja novog Statuta i Programa Stranke;
4. pokreće postupak za zaštitu interesa Stranke, članova organa Stranke i zaštitu prava i interesa pripadnika bošnjačke nacionalne zajednice pred domaćim i međunarodnim institucijama;
5. vodi kadrovsku politiku Stranke, donosi odluku o kadrovskim rješenjima za izbor, imenovanje i postavljenje na javnim i stranačkim funkcijama, na prijedlog Izvršnog odbora Stranke;
6. vrši kontrolu rada predstavnika Stranke na svim nivoima vlasti, na osnovu pripremljenog izvještaja Izvršnog odbora Stranke;
7. imenuje i razrješava – predsjednika, zamjenika predsjednika, članove i zamjenike članova Izborne komisije Stranke, šefa i članove Izbornog štaba Stranke, šefa i članove Službe za ljudske resurse, šefa i članove Pravne službe, portparola i članove Službe za informisanje i odnose sa javnošću i menadžera Političke akademije;
8. donosi odluku o imenovanju lica odgovornog za finansijsko poslovanje, podnošenje izvještaja, poštovanje obaveza, zabrana i ograničenja propisanih zakonom, za vođenje knjiga i kontakt sa Agencijom za sprečavanje korupcije;
9. utvrđuje program, temu seminara ili tribine Političke akademije;
10. detaljnije propisuje uvjete koje moraju da ispune kandidati za poslanike i daje saglasnost na izbor predsjednika i zamjenika predsjednika poslaničkog kluba;
11. donosi odluku o dodatnom angažovanju narodnih poslanika u Stranci, na prijedlog Izvršnog odbora Stranke;
12. donosi poslovnike, odluke, rješenja, zaključke, preporuke i druga akta u skladu sa ovim Statutom i odlukama organa Stranke;
13. donosi pravilnik o radu Političke akademije;
14. predlaže političke odluke i dokumenta Glavnom odboru;
15. u skladu sa potrebama i mogućnostima Stranke osniva Sekretarijat Stranke;
16. u vrijeme izbora, za potrebe izborne kampanje, formira Izborni štab Stranke;
17. osniva savjete, komisije i radne grupe za pojedine poslove iz nadležnosti Predsjedništva;
18. donosi finansijski plan i razmatra prijedlog finansijskog izvještaja;
19. stara se o stranačkoj imovini i raspolaže imovinom Stranke;
20. predlaže Glavnom odboru odluke o učešću na izborima na svim nivoima kao i odluku o stupanju i istupanju iz koalicija;
21. usvaja plan izborne kampanje, na prijedlog Izbornog štaba Stranke;



22. razmatra i usvaja izvještaj Nadzornog odbora o kontroli finansijskog poslovanja;
23. daje saglasnosti na aktivnosti Asocijacije mladih i Organizacije žena, razmatra i usvaja izvještaje o njihovom radu i po potrebi saziva njihove Skupštine;
24. obavlja i druge poslove u skladu sa Statutom, Poslovníkom o radu i odlukama organa Stranke.

Izuzetno, Predsjedništvo može da donese odluku iz nadležnosti Glavnog odbora, uz obavezu da je podnese na potvrdu na prvoj narednoj sjednici Glavnog odbora.

Izvještaj o svom radu Predsjedništvo dostavlja Glavnom odboru Stranke.

Poslovník o radu Predsjedništva Stranke donosi Glavni odbor.

## IZVRŠNI ODBOR STRANKE

### Član 55.

Izvršni odbor je izvršno-politički organ Stranke.

Izvršni odbor Stranke:

1. sprovodi odluke Glavnog odbora, predsjednika i Predsjedništva Stranke;
2. sprovodi tekuću političku aktivnost;
3. ovlašćuje lice za pokretanje svih postupaka pred nadležnim državnim i lokalnim organima u ime Stranke;
4. na osnovu mišljenja Službe za ljudske resurse, utvrđuje prijedlog kadrovskih rješenja za izbor, imenovanje i postavljenje na javnim i stranačkim funkcijama i dostavlja Predsjedništvu Stranke na dalju nadležnost;
5. daje saglasnost na izbor predsjednika i zamjenika odborničkog kluba;
6. donosi odluku o dodatnom angažovanju odbornika u Stranci, na prijedlog Izvršnog odbora ogranka;
7. predlaže Predsjedništvu Stranke visinu godišnje članarine, a najkasnije do 1. oktobra za sljedeću godinu;
8. odlučuje o prijemu u članstvo i stara se o informisanju članova;
9. odlučuje o formiranju i prestanku rada ogranka u zemlji i inostranstvu i imenuje povjereništvo;
10. priprema stranačku infrastrukturu i organizira izbore na svim nivoima u Stranci;
11. donosi odluku o broju i načinu izbora zastupnika u ograncima Stranke i daje saglasnost na broj članova, sastav i način izbora organa ogranka;
12. odgovara za organiziranje rada Stranke i uspostavljanje organizacione strukture (šeme) na svim nivoima u Stranci;
13. daje saglasnosti na aktivnosti Asocijacije mladih i Organizacije žena, razmatra i usvaja izvještaje o njihovom radu i po potrebi saziva njihove Skupštine;
14. donosi pravilnike, poslovníke, odluke, rješenja, zaključke, preporuke i druga akta u skladu sa ovim Statutom i odlukama organa Stranke;
15. koordinira odnose organa Stranke sa predstavnicima svih nivoa vlasti izabranih na prijedlog Stranke;
16. prati rad i koordinira djelovanje predstavnika Stranke na javnim i izbornim funkcijama;



17. donosi odluke o disciplinskoj odgovornosti i izriče disciplinske mjere u prvom stepenu odlučivanja;
18. na obrazloženi zahtjev ogranaka predlaže Predsjedništvu Stranke stupanje i istupanje iz koalicija na gradskom i opštinskom nivou;
19. na obrazloženi zahtjev Odbora ogranka daje saglasnost za pokretanje postupka za izglasavanje nepovjerenja predsjedniku Odbora i izglasavanje novog predsjednika Odbora između dvije Izborne skupštine ogranka;
20. potvrđuje liste kandidata za odbornike, kao i kandidate za gradonačelnike i predsjednike opština, na prijedlog Izvršnog odbora ogranka;
21. formira savjete, radna tijela i komisije u skladu sa potrebama;
22. priprema godišnji kalendar aktivnosti;
23. može sazvati sjednicu bilo kog organa ogranka;
24. podnosi izvještaj o radu Glavnom odboru najmanje jednom godišnje;
25. obavlja i druge poslove u skladu sa Statutom, Poslovnikom o radu i odlukama organa Stranke.

Poslovnik o radu Izvršnog odbora Stranke donosi Glavni odbor Stranke.

#### **Član 56.**

Izvršni odbor čine predsjednik Izvršnog odbora, zamjenik predsjednika Izvršnog odbora, predsjednici ogranaka Stranke, predsjednik Izborne komisije, predsjednik Asocijacije mladih, predsjednica Organizacije žena i najviše pet članova koje imenuje predsjednik Izvršnog odbora Stranke, ukoliko postoji potreba.

Razrješenje ili opoziv predsjednika i članova Izvršnog odbora vrši se na isti način kao i njihov izbor.

Sjednici Izvršnog odbora, na osnovu poziva predsjednika Izvršnog odbora, mogu prisustvovati, bez prava odlučivanja, lica koja nisu članovi Izvršnog odbora Stranke.

Rad Izvršnog odbora Stranke i zaduženja njegovih članova bliže će se regulisati Poslovnikom o radu.

#### **Član 57.**

Radom Izvršnog odbora rukovodi predsjednik Izvršnog odbora.

Predsjednika Izvršnog odbora bira Glavni odbor na prijedlog predsjednika Stranke.

Predsjednik Izvršnog odbora Stranke saziva i rukovodi sjednicama Izvršnog odbora, prati, organizira i koordinira rad Izvršnog odbora.

Mandat predsjednika Izvršnog odbora Stranke je četiri (4) godine.

Predsjednik Izvršnog odbora za svoj rad odgovara predsjedniku Stranke, Predsjedništvu i Glavnom odboru.

#### **Član 58.**

Predsjednik Izvršnog odbora Stranke ima svog zamjenika.

Zamjenika predsjednika Izvršnog odbora bira Izvršni odbor iz svog sastava na prijedlog predsjednika Izvršnog odbora.

Zamjenik predsjednika Izvršnog odbora zamjenjuje predsjednika Izvršnog odbora u slučaju njegove spriječenosti ili odsutnosti i obavlja druge poslove koje mu povjeri predsjednik Izvršnog odbora.

Razrješenje ili opoziv zamjenika predsjednika Izvršnog odbora vrši se na isti način kao i njegov izbor.

Zamjenik predsjednika Izvršnog odbora za svoj rad odgovara predsjedniku Izvršnog odbora Stranke.

## NADZORNI ODBOR

### Član 59.

Nadzorni odbor obavlja unutrašnju kontrolu finansijskog poslovanja Stranke i dužan je da o svim uočenim nepravilnostima izvjesti predsjednika i Predsjedništvo Stranke.

Nadzorni odbor Stranke:

1. kontroliše finansijsko poslovanje, prati zakonitost upotrebe i korišćenja finansijskih sredstava i imovine Stranke u cjelini, bilo da je ista vlasništvo Stranke ili Stranka njome raspolaže po nekom drugom osnovu;
2. podnosi izvještaj o svom radu najmanje jedanput godišnje Glavnom odboru Stranke;
3. po pozivu podnosi izvještaj o unutrašnjoj kontroli finansijskog poslovanja Predsjedništvu Stranke;

Nadzorni odbor Stranke je nezavistan i samostalan u svom radu.  
Poslovnik o radu Nadzornog odbora donosi Glavni odbor Stranke.

### Član 60.

Nadzorni odbor ima predsjednika i dva člana koje bira i razrješava Glavni odbor Stranke, na prijedlog predsjednika Stranke.

Predsjednik Nadzornog odbora organizira i koordinira rad odbora.

Izborom u Nadzorni odbor, članu Stranke prestaje članstvo u drugim organima Stranke.

Nadzorni odbor može formirati nadzorne odbore ogranaka.

Za poslove iz svog djelokruga, Nadzorni odbor može angažovati stručne agencije ili stručnjake za rješavanje pojedinih pitanja.

Predsjednik i članovi Nadzornog odbora su diplomirani ekonomisti i pravnici sa iskustvom u oblasti finansijskog upravljanja, računovodstva i revizije.

## STATUTARNA KOMISIJA

### Član 61.

Statutarna komisija je posebna komisija Stranke, koja je nezavisna i samostalna u svom radu.

Statutarna komisija:

1. tumači Statut i opšta pravna akta Stranke;
2. priprema nacrt izmjena i dopuna Statuta Stranke i drugih opštih akata Stranke;





3. utvrđuje usklađenost nacрта pravilnika, poslovnika i drugih akata Stranke sa zakonom i Statutom, kao i njihovu međusobnu usklađenost;
4. u slučaju utvrđivanja neusklađenosti akata predlaže rješenja nadležnom organu Stranke;
5. rješava sukob nadležnosti organa Stranke kada to Statutom nije drugačije određeno;
6. donosi odluke na žalbe u drugom stepenu odlučivanja;
7. donosi odluke o isključenju iz članstva;
8. donosi odluke o opozivu sa stranačke funkcije;
9. utvrđuje kršenje izborne procedure i druge neregularnosti u izbornom procesu;
10. utvrđuje statutarnost izbora u Stranci;
11. donosi odluke o disciplinskoj odgovornosti i izriče disciplinske mjere na osnovu Statuta i Pravilnika o disciplinskom postupku u Stranci;
12. po pozivu podnosi izvještaj o svom radu Predsjedništvu Stranke;
13. obavlja i druge poslove u skladu sa Statutom, Poslovnikom o radu i odlukama organa Stranke.

#### **Član 62.**

Statutarna komisija ima predsjednika i četiri člana koje bira i razrješava Glavni odbor Stranke, na prijedlog predsjednika Stranke.

Predsjednik Statutarne komisije organizira i koordinira rad komisije.

Izborom u Statutarnu komisiju, članu Stranke prestaje članstvo u drugim organima Stranke.

Statutarna komisija donosi odluke većinom glasova prisutnih članova komisije.

Predsjednik i članovi Statutarne komisije moraju biti diplomirani pravnici sa iskustvom u izradi i primjeni pravnih akata.

Poslovnik o radu Statutarne komisije donosi Glavni odbor Stranke.

#### **ETIČKI ODBOR**

#### **Član 63.**

Etički odbor Stranke je nezavistan i samostalan u svom radu.

Etički odbor Stranke:

1. utvrđuje prijedlog Kodeksa političkog ponašanja i djelovanja, izabranih, imenovanih i postavljenih predstavnika Stranke na stranačkim i javnim funkcijama, kao i članova SDA Sandžaka;
2. prati rad izabranih, imenovanih i postavljenih lica članova Stranke na stranačkim i javnim pozicijama;
3. ima pravo uvida u podatke i dokumente koji su Etičkom odboru potrebni za obavljanje poslova iz njegove nadležnosti;
5. pokreće disciplinski postupak kod nadležnog organa Stranke za povredu Kodeksa ponašanja i djelovanja članova SDA Sandžaka, izabranih, imenovanih i postavljenih predstavnika Stranke na stranačkim i javnim funkcijama;
6. predlaže dodjelu nagrada zaslužnim članovima Stranke;
7. prati, analizira i rješava sporove u slučaju narušenih međuljudskih odnosa;
8. daje mišljenja i prijedloge o spornim etičkim pitanjima ili narušenim međuljudskim odnosima od značaja za rad Stranke;



9. na zahtjev organa Stranke daje mišljenje o članovima Stranke, izabranim, imenovanim ili postavljenim predstavnicima Stranke na stranačkim ili javnim funkcijama;
10. po pozivu podnosi izvještaj o svom radu Predsjedništvu Stranke;
11. obavlja i druge poslove u skladu sa Statutom, Poslovníkom o radu i odlukama organa Stranke.

#### **Član 64.**

Etički odbor ima predsjednika i četiri člana koje bira i razrješava Glavni odbor Stranke, na prijedlog predsjednika Stranke.

Predsjednik Etičkog odbora organizira i koordinira rad odbora.

Izborom u Etički odbor, članu Stranke prestaje članstvo u drugim organima Stranke.

Po pitanjima iz svoje nadležnosti, Etički odbor može formirati etičke odbore ogranaka Stranke.

Etički odbor donosi odluke većinom glasova prisutnih članova odbora.

Poslovník o radu Etičkog odbora donosi Glavni odbor Stranke.

### **VII POSEBNI OBLICI ORGANIZIRANJA I DJELOVANJA**

#### **ASOCIJACIJA MLADIH**

##### **Član 65.**

U okviru Stranke djeluje Asocijacija mladih SDA Sandžaka (u daljem tekstu: AM) kao njena omladinska organizacija.

AM je poseban oblik organiziranja i djelovanja Stranke.

AM čine članovi do navršene 30. godine.

Predsjednik ogranka AM, po funkciji je član Izvršnog odbora ogranka.

Predsjednik Asocijacije mladih na centralnom nivou stranačkog organiziranja je po funkciji član Izvršnog odbora Stranke.

Dokumenti i odluke AM podliježu obaveznoj saglasnosti Odbora ogranka i Izvršnog odbora Stranke.

Izvještaj o svom radu AM podnosi Izvršnom odboru Stranke.

Organiziranje i djelovanje AM uređuju se pravilnikom koji donosi Izvršni odbor Stranke.

AM može imati svoj pečat. Odluku o izgledu pečata donosi Izvršni odbor Stranke.

#### **ORGANIZACIJA ŽENA**

##### **Član 66.**

Organizacija žena SDA Sandžaka (u daljem tekstu: OŽ) je poseban oblik organiziranja i djelovanja Stranke koji radi na afirmaciji zaštite prava žena, porodice i rodne ravnopravnosti.

OŽ se bavi položajem i pravima žena u društvu, afirmaciji prava žena, njihovog većeg učešća u procesu donošenja odluka, očuvanju tradicije, kulture i zdrave porodice, kao i ostvarivanjem prava žena u skladu sa međunarodnim standardima i konvencijama.

Predsjednica ogranka OŽ po funkciji je članica Izvršnog odbora ogranka.

Predsjednica Organizacije žena na centralnom nivou stranačkog organiziranja je po funkciji član Izvršnog odbora Stranke.



Dokumenti i odluke OŽ podliježu obaveznoj saglasnosti Odbora ogranka i Izvršnog odbora Stranke.

Izvještaj o svom radu OŽ podnosi Izvršnom odboru Stranke.

Organiziranje i djelovanje OŽ uređuje se pravilnikom koji donosi Izvršni odbor Stranke.

OŽ može imati svoj pečat. Odluku o izgledu pečata donosi Izvršni odbor Stranke.

## KLUBOVI POSLANIKA I ODBORNIKA

### Član 67.

Narodni poslanici i odbornici su nosioci mandata SDA Sandžaka koje je Stranka dobila na osnovu broja glasova podrške birača.

Narodni poslanici i odbornici zastupaju, brane i ozakonjuju odluke organa Stranke.

Pravilnik o radu poslaničkog i odborničkog kluba donosi Predsjedništvo Stranke.

## KLUB POSLANIKA

### Član 68.

Narodni poslanici Stranke u Narodnoj skupštini Republike Srbije formiraju poslanički klub.

Narodni poslanici Stranke, poslanički klub mogu formirati samostalno ili sa predstavnicima drugih političkih stranaka koje imaju narodne poslanike u Narodnoj skupštini uz prethodnu saglasnost Predsjedništva Stranke.

Predsjednika i zamjenika predsjednika poslaničkog kluba predlažu poslanici između sebe i prijedlog dostavljaju Predsjedništvu Stranke.

Narodni poslanici Stranke razmatraju sva pitanja koja su na dnevnom redu Skupštine radi zauzimanja zajedničkog stava i dogovaraju se o svim aktivnostima koje će preduzimati u skladu sa Programom, Statutom, odlukama i stavovima organa Stranke.

Narodni poslanici, članovi Vlade i ostali visoki državni funkcioneri po funkciji su članovi Glavnog odbora Stranke.

Narodni poslanici Stranke su u skladu sa svojim obavezama u Skupštini Republike Srbije angažovani u Stranci. Način angažovanja se utvrđuje odlukom Predsjedništva Stranke na prijedlog Izvršnog odbora Stranke.

Narodni poslanici mjesečno, u pisanoj formi, podnose izvještaj o ostvarenim rezultatima Predsjedništvu Stranke, a jednom godišnje Glavnom odboru Stranke.

Ove odredbe analogno se odnose i na poslanike u pokrajinskoj skupštini.

## KLUB ODBORNIKA

### Član 69.

U skupštinama opština i gradova izabrani odbornici formiraju odbornički klub Stranke, gdje se dogovaraju o svojim aktivnostima i zauzimaju zajedničke stavove o pitanjima koja su na dnevnom redu Skupštine opštine tj. grada, a u skladu sa Programom, Statutom, odlukama i stavovima organa Stranke.

Predsjednika i zamjenika predsjednika odborničkog kluba predlažu odbornici između sebe i prijedlog dostavljaju Izvršnom odboru Stranke.

Odbornici Stranke su, u skladu sa svojim obavezama, angažovani u Stranci. Način angažovanja se utvrđuje odlukom Izvršnog odbora Stranke na prijedlog Izvršnog odbora ogranka.

Odbornici Stranke su po funkciji članovi Odbora ogranka.

Odbornici Stranke mjesečno, u pisanoj formi, podnose izvještaj o ostvarenim rezultatima Izvršnom odboru ogranka, a jednom godišnje Izvršnom odboru Stranke.

## IZBORNA KOMISIJA

### Član 70.

Izbore za izbor organa Stranke na svim nivoima stranačkog organiziranja sprovodi Izborna komisija Stranke (u daljem tekstu: Izborna komisija), koju formira Predsjedništvo Stranke.

Izborna komisija:

1. prati donošenje, promjene i primjenu zakonskih i drugih propisa koji se odnose na izbore u Republici Srbiji;
2. sprovodi izbore za izbor organa Stranke i ogranaka u skladu sa Pravilnikom o izborima u Stranci;
3. vodi evidenciju svih biračkih mjesta na području svih ogranaka;
4. koordinira rad članova organa i radnih tijela za sprovođenje izbora u stalnom i proširenom sastavu, koji su izabrani na prijedlog Stranke;
5. organizira seminare za obuku članova biračkih odbora i članova izbornih komisija u lokalnim samoupravama;
6. uspostavlja koordinaciju izbornih štabova i biračkih odbora na svim nivoima;
7. uspostavlja saradnju sa predstavnicima drugih izbornih lista i organizira eventualnu međusobnu saradnju biračkih odbora na biračkim mjestima;
8. rukovodi aktivnostima na pridobijanju birača tokom čitavog mandata;
9. Izvještaj o svom radu podnosi Predsjedništvu Stranke;
10. obavlja i druge poslove u skladu sa Statutom, Poslovnikom o radu i odlukama organa Stranke.

Predsjednika, zamjenika predsjednika, članove i zamjenike članova Izborne komisije imenuje Predsjedništvo, na prijedlog Izvršnog odbora Stranke.

Predsjednik Izborne komisije po funkciji je član Izvršnog odbora Stranke.

Poslovnik o radu Izborne komisije donosi Predsjedništvo Stranke.

## IZBORNI ŠTAB

### Član 71.

U vrijeme izbora, za potrebe izborne kampanje, Predsjedništvo Stranke na prijedlog predsjednika Stranke, formira Izborni štab Stranke.

Izborni štab:

1. priprema plan i program izbornih kampanja sa finansijskom konstrukcijom;
2. rukovodi pripremama za izbore i izbornim aktivnostima;
3. stara se o sprovođenju izborne kampanje;
4. stara se o distribuciji propagandnog i izbornog materijala;
5. koordinira rad izbornih štabova i biračkih odbora na svim nivoima;
6. rukovodi procesom rješavanja izbornih nepravilnosti;
7. podnosi konačan izvještaj Predsjedništvu sa analizom izborne kampanje i ostvarenih rezultata;



8. priprema prijedlog za unapređenje izbornih aktivnosti Stranke za naredne izbore;
9. obavlja i druge poslove u skladu sa Statutom, Poslovníkom o radu i odlukama organa Stranke.

Članovi Izbornog štaba mogu biti članovi po funkciji i izabrani članovi.

Članovi po funkciji su predsjednik Stranke, predsjednik Izvršnog odbora, predsjednik Izborne komisije, predsjednik Asocijacije mladih, predsjednica Organizacije žena i portparol Stranke.

Izabrani članovi su šef i članovi Izbornog štaba.

Šefa i članove Izbornog štaba bira i razrješava Predsjedništvo na prijedlog predsjednika Stranke.

## Član 72.

Izborni štab Stranke formira izborne štabove ogranaka Stranke.

Izborni štabovi ogranaka Stranke formiraju izborne štabove mjesnih odbora.

Izborni štab mjesnog odbora čini grupa od nekoliko mjesnih odbora koji geografski gravitiraju jedan drugom.

Poslovník o radu Izbornog štaba donosi Predsjedništvo Stranke.

## POLITIČKA AKADEMIJA

### Član 73.

U okviru Stranke djeluje Politička akademija.

Politička akademija kombinira političko obrazovanje i praktičnu obuku u nizu disciplina. Njezin cilj je obrazovanje i osposobljavanje članova i simpatizera Stranke zasnovane na vrijednostima, kao što su:

- reforma političkog sistema i demokratizacija društva;
- zaštita, unapređenje i poštovanje ljudskih prava i sloboda;
- jednakost pred zakonom i antidiskriminacija;
- pravo građana Sandžaka na brži ekonomski razvoj i regionalnu samoupravu;
- afirmacija socijalne pravde i solidarnosti, kao i pravo na sigurnost.

Politička akademija je projektno koncipirana u skladu sa gore navedenim vrijednostima da pruži teorijsko znanje i praktične vještine koje imaju za cilj da aktivnim mladim ljudima omogući unapređivanje njihovog znanja i sticanje novih vještina, kako bi se aktivno bavili političkim i socijalnim pitanjima koja su briga čitavog društva u Sandžaku.

Politička akademija će svoj rad razvijati i unapređivati kroz razvoj kulture političkog dijaloga i demokratskog društva, stalnu saradnju sa istim ili sličnim nevladinim organizacijama u zemlji i inostranstvu, partnerske odnose između vladinog i nevladinog sektora, sprovođenje istraživanja javnog mnjenja, organiziranje regionalnih i međunarodnih foruma i drugim poslovima od značaja za regiju Sandžak.

Projekat Političke akademije utvrđuje Predsjedništvo Stranke na prijedlog predsjednika Stranke.

Svaki projekat ima svog menadžera koji rukovodi projektom.

Menadžera projekta imenuje Predsjedništvo Stranke na prijedlog predsjednika Stranke.

Menadžer projekta izvještaj o svom radu podnosi Predsjedništvu Stranke.

Pravilnik o radu Političke akademije donosi Predsjedništvo Stranke.



## VIII STRUČNE SLUŽBE

### SEKRETARIJAT STRANKE

#### Član 74.

Za obavljanje stručnih, administrativnih, operativnih i materijalno-tehničkih poslova obrazuje se Sekretarijat Stranke, u zavisnosti od potreba i mogućnosti Stranke, o čemu odlučuje Predsjedništvo Stranke.

Pravilnik o organiziranju, načinu rada i sistematiziranju radnih mjesta u Sekretarijatu donosi Predsjedništvo Stranke.

### PRAVNA SLUŽBA

#### Član 75.

Pravna služba Stranke:

1. prati pripremu i donošenje zakonskih i drugih propisa koji se odnose na rad i poslovanje političkih stranaka;
2. priprema prijedloge zakona i amandmana;
3. priprema nacrt pravilnika, poslovnika i drugih opštih akata koja donose organi Stranke;
4. priprema i kontroliše ugovore i sporazume koje zaključuje Stranka;
5. po punomoćju zastupa Stranku, organizira i prati postupke pred sudovima i drugim organima;
6. priprema izjašnjenja na tužbe, žalbe i druge podneske nadležnim organima u sporovima koje vodi Stranka;
7. priprema dokumentaciju za postupke javnih nabavki;
8. obavlja i druge poslove u skladu sa Statutom, Poslovníkom o radu i odlukama organa Stranke.

Pravna služba ima šefa i najmanje dva člana koje bira i razrješava Predsjedništvo Stranke na prijedlog predsjednika Stranke.

Šef Pravne službe organizira i koordinira rad službe.

Šef i članovi Pravne službe moraju biti diplomirani pravnici sa iskustvom.

Šef Pravne službe je po funkciji član Izvršnog odbora Stranke, bez prava glasa.

Izveštaj o svom radu Pravna služba dostavlja Predsjedništvu Stranke.


Poslovnik o radu Pravne službe donosi Predsjedništvo Stranke.

### SLUŽBA ZA LJUDSKE RESURSE

#### Član 76.

Služba za ljudske resurse:

1. priprema i sprovodi plan i program obrazovanja kadrova;
2. aktivno radi na kadrovskom jačanju Stranke;
3. vodi bazu stručnih kadrova Stranke;
4. stara se o privlačenju, razvijanju i održavanju ljudskih resursa Stranke kroz stalno i sistematsko unapređenje znanja i vještina članova Stranke;
5. organizira stručno usavršavanje i osposobljavanje kadrova za vršenje stranačkih i javnih funkcija na državnom i lokalnom nivou;
6. sprovodi testiranje kandidata za javne funkcije;

- 
7. utvrđuje ispunjenost kriterija za odabir kandidata za izbor, postavljenje ili imenovanje na određene pozicije u organima Stranke ili organima vlasti;
  8. daje mišljenje o kandidatima za izbor, postavljenje ili imenovanje u organima Stranke ili organima vlasti i dostavlja Izvršnom odboru Stranke.
  9. obavlja i druge poslove u skladu sa Statutom, Poslovnikom o radu i odlukama organa Stranke.

Služba za ljudske resurse ima šefa i najmanje 2 dva člana koje bira i razrješava Predsjedništvo Stranke na prijedlog predsjednika Stranke.

Šef Službe za ljudske resurse organizira i koordinira rad službe.

Izveštaj o svom radu Služba za ljudske resurse dostavlja Predsjedništvu Stranke.

Poslovnik o radu Službe za ljudske resurse donosi Predsjedništvo Stranke.

## SLUŽBA ZA INFORMISANJE I ODNOS SA JAVNOŠĆU

### Član 77.

Služba za informisanje i odnose sa javnošću se formira radi blagovremenog i kvalitetnog informisanja javnosti i članova Stranke o radu Stranke i njezinih organa i predlaže načine i sredstva za ostvarivanje ovog cilja.

Služba za informisanje i odnose sa javnošću:

1. brine se o blagovremenom informisanju javnosti o ukupnom radu Stranke;
2. priprema izjave i saopštenja o radu i stavovima Stranke;
3. organizira i vodi konferencije za medije, te saraduje sa medijima;
4. zadužena je za redovno kreiranje i distribuiranje svih sadržaja na kanalima komunikacije Stranke (web stranica i profili na društvenim mrežama), te blagovremenom ažuriranju svih sadržaja na kanalima komunikacije Stranke;
5. izdaje proglase, uređuje periodične i posebne publikacije;
6. pomaže organiziranje javnih nastupa i tribina Stranke, kao i drugih oblika javnog nastupanja;
7. prikuplja informacije iz svih medija o aktivnostima Stranke, te provodi potrebne analize;
8. daje prijedloge o načinu i vrsti komunikacije za promovisanje programskih ciljeva i politike Stranke;
9. organizira i priprema članove Stranke za javne nastupe;
10. prati rezultate nastupa i istraživanja javnog mnjenja;
11. uspostavlja saradnju sa medijima i predlaže unapređenje u oblasti odnosa sa javnošću;
12. obavlja i druge poslove u skladu sa Statutom, Poslovnikom o radu i odlukama organa Stranke.

Portparola i najmanje dva člana Službe za informisanje i odnose sa javnošću bira i razrješava Predsjedništvo Stranke na prijedlog predsjednika Stranke.

Portparol organizira i koordinira rad Službe i odgovoran je za njezin rad.

Portparol je u procesu pripremanja izjava ili saopštenja za javnost obavezan da zastupa stavove Stranke.

Predstavnik organa, odbora ili komisije Stranke je dužan da se prije davanja izjave, saopštenja i drugih aktivnosti vezanih za javnost i medije konsultuje i usaglasi nastup sa portparolom.

Izveštaj o svom radu Služba za informisanje i odnose sa javnošću dostavlja Predsjedništvu Stranke.

Poslovnik o radu Službe za informisanje i odnose sa javnošću donosi Predsjedništvo Stranke.

## IX SARADNJA I DJELOVANJE SA POLITIČKIM I DRUGIM ORGANIZACIJAMA U ZEMLJI I INOSTRANSTVU

### Član 78.

Stranka će sarađivati sa srodnim političkim organizacijama u zemlji i inostranstvu u ostvarivanju zajedničkih ciljeva, u skladu sa zakonom.

Stranka se može udružiti u šire političke saveze u zemlji i inostranstvu.

Stranka može ući u koaliciju sa drugim političkim strankama, pri čemu zadržava svoj pravni subjektivitet o čemu odluku donosi Glavni odbor Stranke dvotrećinskom većinom prisutnih članova na sjednici Glavnog odbora.

Stranka se može spojiti sa drugim političkim strankama koje su upisane u Registar političkih stranaka, u skladu sa zakonom, o čemu odluku donosi Skupština Stranke dvotrećinskom većinom prisutnih članova.

Stranka može sarađivati i biti član međunarodnih udruženja čije je djelovanje u skladu sa njezinim programskim načelima, a nije u suprotnosti sa Ustavom i zakonima Republike Srbije.

O učlanjivanju u međunarodna udruženja odlučuje Glavni odbor Stranke.

Odluka o učlanjivanju u međunarodna udruženja donosi se dvotrećinskom većinom prisutnih članova na sjednici Glavnog odbora.

## X ODLUČIVANJE I IZBORI

### Član 79.

Organi Stranke punovažno rade kada je prisutno više od polovine njihovih članova, a odluke se donose većinom glasova prisutnih članova, ukoliko Statutom za pojedine odluke nije određena posebna većina.

### Član 80.

Izbori u Stranci, po pravilu, raspisuju se i održavaju svake četvrte godine.

Mandat svih organa Stranke, na svim nivoima stranačkog organiziranja, traje četiri (4) godine.

Izbori u Stranci, po pravilu, vrše se tajnim glasanjem, na osnovu više kandidata.

Odluku o sprovođenju izbora u Stranci donosi:

1. Predsjednik Stranke;
2. Glavni odbor Stranke na prijedlog dvije trećine svojih članova ili više od jedne trećine ogranaka.

### Član 81.

Svaki član Stranke može predlagati kandidate, biti kandidovan, birati i biti biran u organe Stranke ukoliko ispunjava propisane uvjete.





Kandidate za izbor u organe Stranke predlažu i organi Stranke.

Prilikom izbora organa Stranke na svim nivoima organiziranja, na izbornim listama mora biti najmanje 20 odsto kandidata mlađih od 30 godina iz redova Asocijacije mladih i najmanje 20 odsto žena iz reda Organizacije žena.

## **Član 82.**

Članovi organa Stranke biraju se u skladu sa Pravilnikom o izborima.

Izvršni odbor Stranke utvrđuje prijedlog kadrovskih rješenja za izbor, imenovanje i postavljenje na javnim i stranačkim funkcijama, na osnovu mišljenja Službe za ljudske resurse i dostavlja Predsjedništvu Stranke na dalju nadležnost.

## **XI UČEŠĆE NA IZBORIMA**

### **Član 83.**

Odluku o učešću Stranke i njezinih članova na izborima za sve nivoe vlasti u državi donosi Glavni odbor.

Pravilnikom o izborima koji donosi Glavni odbor utvrđuju se kriteriji, način kandidovanja, obezbjeđivanje interesa Stranke u radu izabranih nosilaca državnih i javnih funkcija i njihovih obaveza za vrijeme trajanja mandata.

Kandidate za odbornike, odnosno poslanike u pokrajinskoj Skupštini predlažu odgovarajući odbori Stranke, a potvrđuje Izvršni odbor Stranke.

Svi organi Stranke koji odlučuju o listama kandidata ili kandidatima pojedinačno za izbor u organe Stranke i organe javne vlasti, ne mogu odlučivati bez pribavljenog mišljenja službe za ljudske resurse i saglasnosti Izvršnog odbora Stranke.

Svaki kandidat dužan je da potpiše javno ovjerenu (legalizovanu) izjavu da je upoznat sa odredbama ovog Statuta i Pravilnika o izborima i da se obaveže da će podnijeti bezuvjetno ostavku na odborničku, poslaničku i drugu javnu funkciju ukoliko mu prestane članstvo u Stranci ili iz bilo kojih razloga Stranka zatraži ostavku.

## **XII FINASIRANJE I IMOVINA STRANKE**

### **Član 84.**

Prihodi Stranke su: članarina, prilozi pravnih i fizičkih lica, prihodi od imovine Stranke, sredstva iz budžeta Republike Srbije, budžeta autonomne pokrajine i budžeta jedinica lokalne samouprave odobrena za finansiranje redovnog rada i troškova izborne kampanje.

Visina i način plaćanja priloga pravnih i fizičkih lica urediće se posebnim aktom Predsjedništva Stranke u skladu sa zakonom.

Stranka ima jedan račun preko koga vrši sav promet sredstava namijenjenih za finansiranje redovnog rada.

Finansiranje svih izbornih kampanja Stranke obavlja se preko posebnog računa za finansiranje izbornih kampanja u skladu sa zakonom.

Stranka može imati više tekućih računa preko kojih će se vršiti promet sredstava za finansiranje redovnog rada svojih nižih organizacionih jedinica, u skladu sa zakonom.

Odluku tj. saglasnost za otvaranje tekućih računa iz stava 4. ovog člana donosi, odnosno daje zastupnik (predsjednik) Stranke.

Pravilnik o materijalno-finansijskom poslovanju donosi Predsjedništvo Stranke.



## **Član 85.**

Imovina Stranke je jedinstvena.

Cjelokupna imovina Stranke je nedjeljiva i njom raspolaže i upravlja Predsjedništvo Stranke, odnosno odbori koji su ovlašćeni od Predsjedništva.

U slučaju prestanka rada Stranke donosi se odluka o imovini Stranke, koja će se dodijeliti nekoj od humanitarnih, kulturnih i vjerskih ustanova ili će se pokloniti odgovarajućoj instituciji koja se bavi zaštitom nacionalnih prava i očuvanjem identiteta Bošnjaka.

### Četvrti dio

## **ODREDBE O RODNOJ RAVNOPRAVNOSTI**

### XIII OSTVARIVANJE RODNE RAVNOPRAVNOSTI

#### **Član 86.**

Svi pojmovi koji se koriste u ovom Statutu, koriste se neutralno i jednako se odnose na muški i ženski rod.

U skladu sa zakonom, Stranka će u svom radu i organima obezbjediti uravnoteženu zastupljenost oba pola.

### Peti dio

## **ZAVRŠNE ODREDBE**

### XIV DONOŠENJE STATUTA

#### **Član 87.**

Postupak za donošenje Statuta mogu pokrenuti Glavni odbor i Predsjedništvo Stranke.

Odluka o pokretanju postupka promjene Statuta sadrži razloge za promjenu Statuta.

Statutarna komisija izrađuje prednacrt Statuta i upućuje ga na raspravu svim organima Stranke, koja traje najmanje 15 dana. Nakon sprovedene rasprave na osnovu pristiglih stavova, Statutarna komisija će sačiniti nacrt Statuta koji dostavlja Glavnom odboru na razmatranje.

Nakon razmatranja nacrta Statuta, Glavni odbor utvrđuje prijedlog Statuta i upućuje ga Skupštini na usvajanje.

Skupština glasanjem za tekst u cjelini donosi Statut Stranke većinom glasova prisutnih zastupnika.

### IZMJENE STATUTA

#### **Član 88.**

Izmjene i dopune Statuta vrše se na isti način i po postupku za njegovo donošenje.

Na prijedlog Statutarne komisije, Glavni odbor može utvrditi nacrt odluke o izmjenama i dopunama Statuta i dati Skupštini na razmatranje i usvajanje.

Odredbe ovog Statuta ne mogu se mijenjati ili dopunjavati bez odluke Skupštine Stranke osim u slučaju usklađivanja sa zakonskim propisima u skladu sa članom 46. Statuta Stranke.



## POSTUPAK USVAJANJA PROGRAMA

### Član 89.

Postupak za donošenje programa mogu pokrenuti Glavni odbor i Predsjedništvo Stranke.

Odluka o pokretanju postupka promjene programa sadrži razloge za promjenu programa.

Predsjedništvo izrađuje prednacrt programa i upućuje ga na raspravu svim organima Stranke koja traje najmanje 15 dana. Nakon sprovedene rasprave na osnovu pristiglih stavova, Predsjedništvo sačinjava nacrt programa koji dostavlja Glavnom odboru na razmatranje.

Nakon razmatranja nacrta programa, Glavni odbor utvrđuje prijedlog programa i upućuje ga Skupštini na usvajanje.

Skupština glasanjem za tekst u cjelini donosi program većinom glasova prisutnih zastupnika.

Izmjene i dopune programa vrše se na način i po postupku za njegovo donošenje.

## XV PRELAZNE I ZAVRŠNE ODREDBE

### STUPANJE NA SNAGU

#### Član 90.

Opšta akta koja proizilaze iz odredaba ovog Statuta donose se u skladu sa ovim Statutom, a primjenjuju se danom donošenja.

#### Član 91.

Organi Stranke, propisani ovim Statutom, koji su izabrani prije stupanja na snagu ovog Statuta, nastavljaju da rade do izbora, odnosno konstituisanja organa Stranke prema odredbama ovog Statuta.

Organi Stranke, propisani ovim Statutom, koji nisu izabrani, izabrat će se prema odredbama ovog Statuta.

#### Član 92.

Ovaj Statut stupa na snagu danom donošenja, a objavit će se na zvaničnoj internet prezentaciji – sajtu Stranke.

#### Član 93.

Stupanjem na snagu ovog Statuta prestaju da važe Statut donijet 16. februara 2014. godine i odluka o izmjenama i dopunama Statuta donijeta 9. decembra 2017. godine.

Sjenica, 29.07.2024. godine  
Br: 1120-01/2024

Predsjedavajući Skupštine  
Ahmedin Škrijelj, master politikolog  
Narodni poslanik SDA Sandžaka u Narodnoj  
skupštini Republike Srbije







На основу чл. 26 став 5. Закона о политичким странкама и овлашћења министра државне управе и локалне самоуправе број: 936031 2024 од 8.5.2024. године потврђујем да је примерак Статута Странке демократске акције Сандака – Stranka demokratske akcije Sandžaka идентичан примерку који се чува у списима предмета број: 2351244 2024.

У Београду,

20. август 2024.

Марија Цивцановић

